

15

Zwo Warhafftige / vnd doch Männiglich zuvor
bekante Newe Zeiungen.

Die Erste/

Von dem grossen Jam-

mer / Welcher sich begeben in der Marg-
graffschafft Baden / wie allda schon vber die fünffzig
Heren/ Mann/ Weib/ Knaben vnd Mägdlein/ seyn verbrant wor-
den/ was dieselben für schreckliche Sachen bekant haben/ vnd etlich
hundert Menschen durch ihr Teuffels Kunst vmb das Leben ge-
bracht / auch die liebe Früchte auff dem Feld verderbt / vnd in ein
sonst für Vbels angericht/ ist mit fleiß beschrieben / vnd in ein
Gefang verfaßt / Im Thon: Kompt her zu mir
spricht Gottes Sohn / etc.

Die Ander/

Aus dem Elsasserland / Wie das zu Sanct
Johannes/ ein stund von Elsasszabern/ in der Capell die
Bildnuß Christ auff dem Altar/ so in dem Schoß Mariæ ligt/ w e
man sie mit etnander reden hören. Was sie aber für ein Klag ge-
führet vber die Gottlose Welt/ ist mit fleiß beschrieben/ vnd in dem
Gefang zu Molsheim in Truct außzungen/ wie folget/ Im
Thon: Hüß Gott daß mirs gelinge.



Gedruckt zu Molezen / Im Jahr
Christi 1626.

Die Erste.

Evert zu ihr Frauen vnd auch Mann/ groß Wunder will ich
zeigen an/ so newlich ist geschehen/ wie daß der böse Feind so
zax die Menschē bringt in gefahr/ thu ich mit warheit sagen.

Wie ihr jehund werd hören thun/ was für jammer geschehen
schon/ mit dieser Teuffels Rotte/ die sich dem Bösen Geist vers
pflicht/ javiel Unglück han angericht/ davor behüt vns Gotte.

Erstlich in des Marggraffen Land/ genent von Baden wol be
kant/ schon viel verbrand sein worden/ zu Kipene vnd zu Rastatt/
bey 50. man verbrennet hat/ an diesen dreyen Orten..

O frommer Christ thue wol verstañ/ was sie für vbel han ge
shan/ will ich mit warheit singen/ von Mann/ Weib/ Knaben vnd
Mädlein/ was sie bekanten in der pein/ will ich euch vordringen.

Ein junger Gesell verbrennet war/ seins alters auff die 13. Jar/
der bekent in der Summen/ das er zu Nachtes in Weiber gestalt/ ein
rechte Teufftin merck et bald/ habe zu der Ehe genommen.

Vnd mit ihr gehalten die Hochzeit/ dabey auch wahren statllis
che Leut/ die zahl war bey 3000. sein Hochzeit wehret sieben Nacht/
den grossen Reiffen habens gemacht/ der also vbel gehauet.

Wol in dem Württenberger Land/ wie Männiglichen wol be
kant/ daß der Wein ist erfroren/ Gott es ihn nicht verhängen wolt/
sonst in dem Land man habe/ warhafftig wenig Korn.

Ein Mädlein hat man auch verbrent/ dossilbig öffentlich be
kent/ ihr allererst zeichen mußt sie an ihrem Vater thun/ an Händ
vnd Füß erkümmen nun/ daß thet sie bald der gleichen.

Ach O Du in deinem höchsten Thron/ wie kans ein Kind ein
Vatter thun/ ein Stein möcht es erbarmen/ O du getrewer Jesu
Christ/ behüt vns vor des Teuffels list/ komm du zu hülf vns Armen.

Ein reiche Bäwrin auch bekent/ wie viel sie Menschen hab vers
letzt/ zwey hundert/ drey darneben/ mit ihrer losen Zauberey/ viel
junge Kinder/ Mann vnd Weib/ hab sie bracht vmb das Leben.

Ein Hebamm auch darunder war/ die bekant vnß sagt offenbar/ wie
daß sie thet vmbringen 200. Kind in der Geburt/ das Leben ihr ge
neihen wurd/ das Herr möcht sin durchdringen.

Die:

Die Schwane Wirth in zu Rastatt / ganz öffentlich bekennet
hat / wie sie hab zu essen geben / das Katzenfleisch für Daniel gut / das
Hirn sie einmachen thut / kost manchem sein Leben.

Auch haben sie ein Pulver werht / wann sie das werffen auff die
Erd / die Menschen gehn darüber / so an dem Morgen gehn von
Haus / den linken Fuß vor setzen muß / bekompt er das Fieber.

Vnd muß es haben ein ganzes Jar / ein gutleuth Fraw auch bey
in war / die thet ein ruthe tragē / wer nit am morgē wascht die Händ /
der muß auffhängig werden geschwind / weñ sie damit thut schlagen.

Wer hie alles beschreiben wolt / ein ganzen Tag zubringen solt /
Ach bittet hie allsamen / den getrewen Gott HErr Jesu Christi / daß
er zerbrech des Teuffels list / wer das begeret / sprech Amen.

Die Ander.

Ach mein Christi laß dir Klagen / ein traurige Geschicht / so sich
hat zugetragen / daß ist kein Fabel nicht / warhafft in dem Eis
sasserland / thu ich mit warheit sagen / ist Männiglich bekant.

By Zabern genant / ein kleine Stund darvon / wird Sanct
Johann erkent / thut ein Capell stahn / darinn die Bildnuß Christi
rein / dort in der Schos / thut liegen / trawrig der Mutter seyn.

Geleich den dritten Tag / September dieses Jahrs / hört man
ein grosse Klag / warhafft bey dem Altar / groß weinen vnnnd auch
trawrigkeit / als wann beyssamen wehren / etlich betrübte Leut.

Alle Nacht thet man sie hören / trawrig bey dem Altar / die Ges
leren dahin fernen / sampt etlich Bürger gar / die Kirchen man auff
machen thet / kein Mensch wurd da gefunden / die Bildnuß Chris
ti kret.

Mit seiner Mutter eben / ganz trawrig diese Wort / der Welt:
Gottloses Leben / beweint er an dem orth / Et stillich so thut er klagen:
sehr / kein Mensch wol ihm mehr helfen / nachtragen sein Creuze:
schwer.

Darzu auch seine Wunden / die werden all Tag new / geschla
gen / auffgebunden / die Welt sey so vnreuw / für Del giß man ihm:
Essig ein / man wil nicht mehr betrachten / das bitter Leiden seyn.

Ach wie thut man ver sehn / das hohe Sacrament / so ich hie thet:
aufsetzen

Ansehen / vor meinem letzten End/ barauff gegangen in den Todt/
aber die Welt thut treiben/ auß mir einen spott.

Die Kinder auch vnehren/ das bitter Leiden mein/ mit Fluchen
vnd mit schweren/ nur sieben Jahr alt seyn / viel mahl bey meinem
Sacrament/ die Eltern solches leiden/ haltens für gescheldne Kind.

Wie werden auch die Armen/ so hart getrieben vmb/ der Geiz
hat kein erbarmen / in der Welt vmb vnd vmb/ sein Schweiß vnnnd
Blut ihm saugen auß/ Darumb so muß ich straffen/ die Welt von
Haus zu Haus.

So wahr ich hab das Leben / vnnnd bin der rechte Gott / mein
Schwert sol sich erheben/ verwandlen in Blut roth/ der dritte theil
sol vndergahn/ vñ in dem Blut errencken/ weil sie kein glaube han.

Darauff Maria fromme/ sieng an zu weinen sehr/ ach du herg
lieber Sohne/ erbarme dich doch der / die noch begangen han kein
Sünd/ in deiner Hand laß sterben/ ach Herz die kleine Kind.

Für das Schwerdt thu ihn senden / die trawrige Pestilens / in
ganzer Welt vnd Ende/ straff damit aller Grentz/ Ach Herz schaff
doch dem Armen Brot/ mit seinen lieben Kindern/ hüß ihm auß als
ler Noth.

Darauff thet Christus sagen/ kom schnell du grüßiger Tod/ mit
viel Kranckheit vñ Plagen/ solt du die Welt mit noth/ durchziehen
soltu alle grentz/ dein pfeil wil ich vergiften/ wol mit der Pestilens.

Darauff die Bildnuß eben / thet schweigen lauter Blut/ als waiß
sie noch thet leben/ das Volk erschrecken thut / vnd fiel schnell auff
ihr Knie mit Beten hier zusam̃ / so viel ihr wahren hie.

Gleich den andern Tag/ das Volk in Kirchen gieng/ das wuns
der zu beklagen/ zu betchten auch anfieng/ als man das Sacrament
theilt auß/ wol bey hundert Seelen/ fand man im Gottes Haus.

Das alles thet man schreibē/ wol in die Cronick ein/ ließ doch das
bey nicht bleiben/ der Pfarrer in gemein/ schaffet daß man es trucken
sol/ dieses ist bald geschēhen/ O Christi verstand es wohl.

Dieweil so hart thut schwebē/ die leidig Pestilens/ thu deine hant
auffhebe zu Gott O Deutsche Grentz dieweil verhandt ist die zeit/
daß wir bey Gott erlangen/ die ewig Seeligkeit.